



寶刻叢編卷第十

錢塘陳

思

纂次

陝西永興軍路下

河中府

河東  
萬泉

臨晉  
龍門

猗氏  
崇河

虞鄉

唐玄宗登逍遙樓詩

唐玄宗御製并分書太常卿姜皎書年月

蒲州刺史王與以詩刻石請御書碑額表

一蒲州刺史顏真卿書荅詔肅宗書以乾

元元年立集古  
錄目



唐王公城河中頌

陳翊撰盧耿正書上元元年十月錄金石

唐萬泉令裴千鈞德政碑

唐蕭嵩正書皇太子已下題

唐蒲州刺史裴寬德政碑

唐趙良器撰韓擇木分書開元二十四年

詩碑錄

唐禹廟題名

唐陝州別駕崔穎等題名字為八分不著

名氏開元二十五年刻集古錄目

唐禹廟頌

唐龍門令呂延祚撰楚順八分書開元中

刻於漢中季方禹廟題名之上隸續

唐贈文部郎中薛悌碑

唐國子司業蘇預撰武部郎中徐浩八分

書悌長廬人中宗時為雍州司兵叅軍坐

魏元忠流死素州天寶中子伯連為咸寧

令追贈悌文部郎中集古錄目

唐薛悌碑天寶十三年二月金石錄



陝州

陝 芮城

平陸 湖城

夏 閭鄉

靈寶

漢沛相楊統碑

漢沛相楊君碑在閭鄉楊震墓側碑首尾  
 不完失其名字按後漢書震及中子秉秉  
 子賜賜子彪皆有傳又云震長子牧富波  
 相牧孫奇侍中奇子亮陽成亭侯又云少  
 子奉奉子敷敷子衆務亭侯又有彪彪子  
 修楊氏子孫載于史傳者止此爾不知沛  
 相為何人也碑云孝順皇帝西巡以掾史



名見拜郎中遷常山長史換捷為府丞宰  
司累辟應于州徙州察茂才遷鮑陽侯相  
後拜議郎五官中郎將沛相年五十六建  
寧元年六月癸丑遘疾而卒其終始尚可  
見而惜其名字亡矣

集古錄

漢沛相楊君碑歐陽公集古錄云碑首尾  
不完失其名字余按楊震碑沛相名統震  
長子富波侯相收之子也

金石錄

漢故沛相楊君之碑篆額碑缺不知其名  
髣髴有富波君字按楊震碑云長子富波

侯相收子統金成太守沛相則知此為楊

統碑也順帝以其忠臣之苗特名為郎歷

常山長史捷為府丞鮑陽侯相金城太守

車騎將軍從事議郎五官中郎將沛相以

靈帝建寧元年立故吏戴條等共立此碑

隸釋

### 漢沛相楊君碑陰

楊氏世墓闕鄉墓側皆有碑今其存者四  
余家集錄皆得之乃太尉沛相高陽繁陽  
令也此碑陰者不知為何人碑文字殘缺



其僅存者十五人又減其一其在者十四人集古錄目

楊統碑陰凡十五人不稱郡皆沛人也釋隸

漢高陽令楊君碑

漢隸不著書撰人名氏首尾不完不見名字據碑嘗為高陽令最後為善缺侯相而

碑額但曰高陽令楊君碑據楊震碑高陽令名著震孫也集古錄目

首尾不完而文字尚可識云司隸從事定穎侯相最後為善缺侯相蓋其中間嘗為

高陽令而碑首不書最後官者不詳其義也按楊震碑高陽令著震孫也集古錄目

漢故高陽令楊君之碑篆額楊君名著太尉震之孫常山相讓之子碑缺其名得之

于子震碑仕歷司隸從事議郎高陽令思善侯侯相年五十三而卒石損立其年釋隸

漢高陽令楊君碑陰

不著書人名碑首尾不完今可見者四十餘人各有所出錢數楊氏數世皆葬閭鄉此碑有稱後公門生者有稱沛君門生者



不知何人碑陰也後公義不可知沛君所謂沛相者也集古錄目

首尾不完今可見者四十餘人楊震子孫墓闕鄉者數世碑多殘缺此不知為何人碑陰其後有云後公門生又云右沛君門生沛君疑是沛相者自有碑而亡其名字矣後公亦不知為何人也集古錄

歐陽公云余家集錄得楊震墓域中漢碑陰題名四震及沛相繁陽高陽令碑并得碑陰題名然得時參錯不知為何碑之陰

也集古所有余盡得之又各以碑陰附于碑後其曰懷陵園令蔣禧字武仲者沛相碑陰也其曰故吏故民故功曹史故門下佐者繁陽令碑陰也其曰右後公門生右

沛君門生者高陽令碑陰也金石錄

揚著碑陰其間有沛君門生者沛相統也後公門生者太尉秉也楊震拜於前故以秉為後沛君者著之從兄後公者著之季父後公之薨其猶子繁陽君委榮而投紼高陽君以沛相之喪亦棄官而歸一門孝



義如此宜其門人事之如一伐石立表無彼此之分非皆著之門生也故不名隸釋

漢繁陽令楊君碑

漢隸不著書人名氏殘缺不完不見其名首氏其可見者曰富波君之小子據楊震碑攷之富相名牧震之子也碑以熹平中立

集古錄目

首尾不完文字磨滅可識者四百三十字不可識者六十一人碑云遭叔父太尉薨又云富波君之子也按漢書楊震子牧為

富波相君迺牧子也叔父太府者秉也惜其文字磨滅不可見矣集古錄

漢故繁陽令楊君之碑銘篆額逸其名楊君者太尉震之孫富波侯相牧之子太尉秉之猶子沛相統之親昆弟高陽著之從昆弟也自郎中除右都侯繁陽令以靈帝熹平三年卒隸釋

漢繁陽令楊君碑陰

隸書凡故吏故民處士等百有餘人集古錄目

唐重建陳平廟碑



廟在芮城縣北按碑文云二十六世孫陳  
處靜以唐武德四年自南遷北此廟有碑  
二古柏森然寰宇記

### 唐砥柱山銘

唐魏徵撰薛純書

諸道石刻錄

在硤石縣唐貞觀十二年太宗東巡臨幸  
于此今有魏徵所製碑銘寰宇記

### 唐獨孤府君頌德碑

唐硤石尉孟

缺

休撰桃林主簿盧元珪書

碑今缺府君名不可見其字曰思思下又

缺一字河南洛陽人給事中元愷之子曰

思莊思行為陝州桃林令入為水部員外

郎桃林人立此碑以頌德據唐書表元愷

二子曰思莊思行而亦不著名此不知其

為誰也碑以調露二年立

集古錄目

### 唐元府君德政碑

不著書撰人名氏府君名思哲字知仁河

南洛陽人以絳郡夏縣令卒于官縣人右

監門校尉陰仁義等為立碑以頌德以調

露二年立在夏縣

集古錄目



周石柱銘

唐陝州刺史 碑缺撰八分書不著名氏

柱者相傳以為周召分陝所立以別地

著所刻年月驗其字武后時等題名 集古錄目

唐楊元支碑

唐崔沔撰梁昇卿八分書開元六年四月

金石錄

唐萬回法師碑

唐徐堅撰行書無姓名開元十年開閏五月

金石錄

唐立關遼龍碑

在靈寶縣西南七里唐太宗東巡致祭開

元十三年立碑舍人吳翬之詞 寰宇記

唐刺史盧真廳事贊

唐玄宗御製御書帝西幸過陝府至真廳

事題贊于其壁真以刻石并謝表批荅附

于後碑以開元二十四年十月立 集古錄目

唐明皇注道德經碑

經玄宗書注皇太子紹及廢王琮等奉勅

書初開元二十四年玄宗已注道德經道



門司馬秀等奏請西京及天下應修官齋  
等州造立石臺刻勒經注弘農太守趙冬  
曦立在閩鄉集古錄目

唐李涪德政碑

唐河中猗氏縣丞 缺 吳撰吏部常選張休  
書絳州夏縣令李涪之德政碑也涪字涪

碑以開元二十七年立在夏縣集古錄目

唐楊仲昌碑

唐尚書左丞席豫撰鄔絲篆  
與神道碑同開元二十八年立在閩鄉

唐楊玄奘述先生史記

唐徐彥伯撰劉升八分書開元中立諸道石刻錄

唐三門記功頌

唐太子亨題額隸王 尖 分書天寶三年十

二月建碑錄

唐靈寶縣令裴遂遺愛頌

唐賈庭誼序王誼銘史惟則八分書天寶

中立諸道石刻錄

唐郭英義紀德碣

唐中書舍人姚子彥撰不著書人名氏英



義字英義太原晉陽人嘗為陝州刺史碑  
以肅宗元年立集古錄目

唐雍王遼三門記

唐元帥府判官裴傲撰行軍司馬李進書  
雍王題額代宗廣德初雍王為天下兵馬  
元帥東討史朝義師還次陝因登三門問  
從官以古今興亡治亂之迹作此記廣德  
二年刻在三門

唐立傳說廟碑

唐侍御史內供奉楊韓撰夏縣尉宗正

分書大歷四年立在夏縣集古錄目

唐楊仲昌後碑

唐檢校禮部尚書席豫撰太子少保致仕

韓擇木八分書仲昌字口蔓口開元中官至

吏部尚書碑以大德六年追立在閩鄉集古錄目

唐德宗題陝州佛堂院壁詩

不著書人名氏帝時為雍王天下兵馬元

帥大歷七年陝州號觀察使皇甫溫刻集古錄目

唐昭義節度薛嵩神道碑



唐禮部郎中程浩撰梁州都督府長史翰  
林待詔韓秀寔八分書薛公名嵩楚王之  
子也初為史思明將朝義敗以其地降即  
拜昭義節度封平陽郡王碑以大厯八年  
立在夏縣集古錄目

唐韋奧遺愛頌

唐監察御史鄭士林撰前進士胡証八分  
書奧字又玄京兆杜陵人嘗為夏縣令此  
碑夏縣人所立以貞元二年八月刻在夏  
縣集古錄目

唐召伯祠堂記

唐崔敖撰房次卿書李惟益篆額貞元年  
立訪碑錄

唐陽公舊隱碣

元和六年立訪碑錄

唐刑部郎中胡証撰夏縣令黎燭書縣

李靈省篆額証其門人也無所立年月在

夏縣集古錄目

唐世篆法自李陽冰後寂然未有顯于當  
世而能自名家者靈省所書陽公碣筆畫



甚可佳既不顯聞于時亦不見于他處以  
余家所藏之博而見于錄者唯此雖未為  
絕筆亦可惜哉集古錄

### 唐薛平增修家廟碑

唐左散騎常侍集賢院學士馮宿撰給事  
中裴濟書河中節度使薛平增修其家廟  
以大和三年立此碑在夏縣集古錄目

### 唐寓居石表記

唐陝府芮城縣尉馮禮與書隋大業中高  
祖寓居芮城縣之至德初大和十三年縣

### 今高平摹

### 延州

中都督延安府秦屬上郡漢初為  
翟國尋復為上郡後漢因之漢末  
魏置東夏州西魏改曰延州置總  
管府隋置延安郡唐復為延州果  
魏忠義軍後唐改曰彰武  
皇朝陞延安府今縣七  
膚施延州長  
門山敷政  
臨真甘泉

### 唐石像文碑陰

唐延州別駕唐 奕撰不著書人名氏顯慶  
中炎之祖李卿為延州刺史造石龕立三



佛像開元中炎復為州別駕加以鐫飾以  
開元二十七年立此碑并碑陰題名錄古

同州

戰國時屬秦魏秦屬內史項羽分  
屬塞國漢高帝置河上郡景帝分  
為左內史武帝改為左馮翊東漢  
曰之魏除左氏但為馮翊郡晉及  
元魏皆因之兼置華州西魏改曰  
同州隋初郡廢大業初州廢復置  
馮翊郡唐武德元年曰同州天寶  
元年曰馮翊郡梁曰志武軍  
皇朝太平興國七年  
陞定國軍今縣六  
馮翊澄城朝邑  
邠陽白水韓城

後周河濱廟碑

後周車騎大將軍王褒撰車騎大將軍趙  
文淵奉勅書字為隸體初北齊大統十六



寶苑叢書 卷十  
年周文帝請立四瀆廟于華山郡使郡守  
楊子昕營建武帝朝晉公護東政廟在其  
封內又增修之而立此碑以天和二年十  
月立集古錄

隋興國寺碑

李德林文張孝徵書開皇四年訪碑錄

唐無量壽佛大像碑

不著書撰人名氏唐興國寺沙門道宗造  
無量壽佛大像未成而卒其徒智常成之  
貞觀十年同州刺史隴西郡王博又為立

此碑集古錄

唐三藏聖教序

序唐太宗御製記高宗御製中書令褚遂  
良書永徽四年刻在永興今此本序記同  
為一石字畫並同而刻石在永興本後十  
年疑模本也龍朔三年六月立集古錄

唐河清紀瑞頌

唐崔禹錫撰王崇敬分書先天元年八月

立金石錄

唐河侯新祠頌



唐秦崇撰王晏行書開元九年四月立碑  
云河伯姓馮名夷字公子潼鄉華陰人也

錄金石

唐同州別駕崔禹傳

唐權倬撰黨撫八分書開元二十五年春

錄金石

唐洛祠志

行書無書撰人名氏天寶六年三月立錄金石

唐鄭預注心經

正書無姓名天寶元年四月錄金石

不著書人名氏疑預自書蓋開元天寶之間書體類此者數家如搗練石韓公井記洛祠志皆一體而見不見名字此經字體不減三記而注尤精勁錄集古

唐阿那寺碑

韓休撰僧閑秘書大歷二年立在澄城縣

訪碑錄

唐贈太常卿王仁忠碑

唐江夏太守李邕撰都水使者集賢殿學士史惟則八分書仁忠字揖太原祁人位



至左千牛衛將軍永泰中以子峯贈太常  
卿碑以大歷三年立集古錄目古

西嶽華山廟碑

華州

鄭華陰

下邳渭南

蒲城



西嶽華山碑廟篆額咸宗熙咸四年袁逢  
 守洪農郡以華嶽舊碑文字摩滅遂按經  
 傳載原本勒斯石以垂後會遷京尹乃勅  
 都丞掾柱杜遷市石遣書佐郭香察書碑成  
 于後之四年蓋孫璆典郡時也郭香察書  
 者察涖他人之書爾小歐陽以為郭香察  
 所書者非也隸釋

漢斥彰長斷碑

在華陰已斷裂惟存下一段故其姓名皆  
 亡矣所可見者假除百日遷補任尉假印

綬守廣平夏曲陽令斥彰長熹平二年秋  
 七月寢疾不豫最後題熹平六年十月九  
 日辛酉造金石錄

斥彰長田君斷碑所存其下一段與趙氏  
 所藏者同文雖半亡遺字一一明白碑云  
 其先高祖時以吏二千石自齊臨淄徒徒閔  
 中祖興先為執金吾弟颺漁陽太守孫布  
 光觀中興云云史記高祖徙貴族齊田氏  
 閔中後漢傳朔方人田颺引兵至單于庭  
 迎盧芳入塞布帝記建武七年盧芳所置朔



方太守田颺舉城降則斥彰蓋諸田之後  
碑云二年七月卒而缺其年名未有立碑  
歲月始知物故在熹平年但斥彰非所終  
之官趙氏強名姑仍其舊碑中字札媿媚  
甚類華祖華山亭碑書之者好用奇字  
漢樊毅西嶽山亭碑

隸書不著書撰人名氏據碑漢光初元年  
弘農太常河南河南樊毅字仲德初至郡  
親祠西嶽以其齋室偃窄便縣令胸忍先  
謹繕治之明年正月己卯而就立此碑

集古

漢樊

毅修嶽廟復氏賦碑

目錄

隸書不著名氏漢弘農太守樊毅上尚書  
表也毅使從事荀班華陰令先謹繕治嶽  
廟并復華下十里民田租口算以其事表  
上光初二年也碑久湮沒唐興元元年華  
陰令盧倣求得而為之記八分書於碑末  
在華嶽廟中

集古  
錄目

碑云光初二年十二月庚午朔十三日壬  
午弘農太守臣毅頓首死罪上尚書臣以



去元年十一月到官其十二月奉祠西嶽  
華山省視廟舍及齋衣祭器率皆久遠有  
垢臣以神嶽至尊宜加恭肅輒遣從遠行事蒞  
班與華陰令先謹以漸繕成治就之又曰  
謹言縣當孔道加奉尊嶽一歲四祠養牲  
百日或有請雨齋禱後費賞兼倍小民不堪  
有飢寒之窘乞差諸賦復華下十里以丙  
民租田口并臣輒聽盡力宣奉詔書思惟惠  
利此碑粗完故錄其首尾臣毅者樊毅也  
集古錄

樊毅乞復華下民租田口算狀此碑全載  
光和二年壬午奏牘別無他詞蓋毅到郡  
即遣官屬繕治廟宇縣令以地當孔道一  
歲四祠有養牲之費調發之勞故為華  
下十里之內希勻思邱雖不同孔廟卒使  
碑并載朝廷施行語案後碑云上奏復賦  
克厭帝心則知己從其請矣碑後有唐興  
元中縣令盧倣題字云碑在廟北隙地沒  
于荒榛時方徙之縣治云隸釋

漢樊毅修華嶽碑



隸書不著撰人名氏漢光初二年華陰太守樊毅修嶽祠記也并書貞元三年檢校太子庶子董叔經等十五人題名附錄集古華嶽有樊毅之碑三華亭及華祖碑皆云祠事在元年季冬華亭碑云繕治就緒在二年正月此碑叙始祠乃在二年十月與前碑不同前碑以午年季冬己巳齋祠至來春己卯一旬之內工役已就則所修齋散齋外亭爾蓋是以次整治二役相繼至末年之冬衆作成畢十月之祠乃是次年再舉此云後不于時而功已著蓋欲美其速成故不引午年之祭也隸釋

漢毅阮君神祠碑

漢隸不著撰人名氏中條山有石堤樹谷當湧溢為患故立毅阮泄其水注之於渭自前漢時立廟以祠之其後阮稍堙塞廟亦毀廢沒漢鄭縣令裴畢字君光後浚阮立廟碑以光初四年六月立并縣丞華龔等題名者六十三人在鄭縣錄集古慶厯樞密直學士施昌言為陝西都轉運



使為余模此碑本云碑文已磨滅初不可填辨  
以甃填其刻稍尋其點畫命工工鑄治之乃  
可讀漢碑今在者類多磨滅不完故斯碑  
歷歷可見也惟裴畢姓名為鄉人斃去矣  
穀院所以蓄泄水患先和中畢為鄭縣令  
始修復之事見水經及華州圖經穀院君  
祠今謂之五部神廟其像有石堤西戍樹  
谷五樓先生東臺御史王翦將軍皆莫曉  
其義錄古  
歐陽公集古錄云穀院君祠謂之五部神

廟其像有石堤西戍樹谷五樓先生東臺  
御史王翦將軍莫曉其義今此碑有云石  
堤樹谷南通商雒又云前世通利吏民興  
責有御史大夫將軍牧伯故為立祠以報  
其功乃知石堤樹谷御史將軍之號自漢  
以來有之流俗相傳其所從來遠矣而水  
經云鄭縣地南山北有五部神廟廟前有  
碑光緒四年鄭縣令河東裴畢字君先立  
又知五部神自齊魏間已有此號矣錄金石  
穀院君神祠之碑銘篆額在鄭縣靈帝光



和四年縣令裴畢字君先立碑無縣令姓名括水經得之穀有二陵古稱地險蓋山阜高深雨盛水集有阮以儲之則可以疏洩溉注而無溢溢之患自魏晉以來謂之五部神廟歐陽公嘗記部使者摸此碑命工以麤其填刻而鐫剔之始可讀云廟有石堤西戍樹谷五樓先生東臺御史王剪將軍之像莫可曉今碑云石堤樹谷南通高雒當是有石為堤有水為谷後人因以名其神碑以前世通利吏民興貴有御史大夫將軍牧伯故為立祠攷其文意蓋謂前世阮不堙塞水泉通利地產人物有屢御史將軍牧伯之貴者後人不攷亦以名其神爾碑之末有題名六十六人云有秩長安知其皆長安人也 隸釋

漢穀阮君神祠碑陰

碑陰題名三百四十二人其磨滅不可見者三十餘人字小而勁漢隸之神品也前碑之後日有秩者六十餘人在碑之陰則無秩可知矣 隸釋



漢穀阮君神祠碑陰

碑陰題名三百四十二人其磨滅不可見者又百餘人小字淳勁可喜錄石

漢華嶽廟碑

在華陰漢鎮遠將軍段熲更修之碑黃門侍郎張昶書魏文帝與鍾繇各於碑陰刻

二十字此碑垂名海內寰宇記

漢司徒劉竒碑

在華陰諸道石刻錄

漢劉黨碑

在華陰墓下文宇磨滅諸道石刻錄

晉王猛碑

在華陰縣東八十里寰宇記

後魏大代華嶽廟碑

不著撰人名氏後魏鎮西將軍略陽公侍郎劉玄明書大延中改立新廟以道士奉祠春祈秋報有大事則告碑以大延五年

五月立集古錄目

後魏修華岳廟碑

不著書撰人名氏後魏興光元年詔遣侍



中遼西王常英祈曹尚書苟尚等重葺嶽

廟二年立此碑集古錄目

後魏崔浩碑

興光二年訪碑錄

後周華岳廟碑

万鈞于瑾撰趙文淵書天和二年十月金石錄

隋楊雄碑

不著撰人名氏書學博士姓名缺書雄隋之

疎屬官至司徒封觀王諡曰德碑以大曆

九年立集古錄目

唐靈仙寺碑

唐秦王府記室叅軍薛收撰國子書學博

士缺鳳卿書寺在西嶽沙門妙達所建碑

以貞觀元年立集古錄目

唐長明燈銘

唐鄭行寶撰顯慶二年二月八日建復碑錄

周渭南縣令李思古清德頌

唐直崇文館馬吉甫撰不著書人名氏李

君名思古渤海裔人為鴻州渭南令入拜

右司員外外郎縣人為立清德碑以聖歷



元年十月立集古錄目

其首題云大周鴻州渭南縣按新唐書則天天授二年析雍州之渭南慶山置鴻門縣遂以渭南慶山鴻門高陵以置鴻州大足二年州廢矣集古錄

唐沙州司馬楊崇碑

崇孫元表字伯儀纂章同分書神龍二年

三月建在蒲城縣復錄

唐衛州司馬楊恪碑

唐張柬之撰八分書姓名殘缺神龍二年

歲次叢祥三月建在蒲城縣復錄

唐右武衛大將軍李思訓碑

思訓從子福州刺史李邕撰并書思訓字

建景皇帝之後官至右武衛大將軍謚曰

昭碑以開元八年立在蒲城集古錄目

唐涼國長公主碑

唐蘇頲頲撰明皇八分書開元十二年八月

立公主睿宗女也銓石

唐西嶽大洞張尊師碑

唐王延齡撰李慈書尊師名敬宗字誠華



陰盟東里人為西嶽雲臺宮主碑以開元十  
四年四月立集古錄目

慈之書體兼虞褚而道麗可喜然不知為何  
人以其書當時未必不見稱於世蓋唐人善  
書者多遂不得獨擅既又無他可稱遂至泯  
然于後世以余集錄之博慈所書碑祇得此

爾集古錄

唐高祖駐馬佛堂碑

唐渭南縣興法寺僧貞慶撰并八分書高  
祖武德二年嘗幸渭南至大韓村其父老

以為崇立佛像于其地謂之駐馬佛堂歲  
久碑記缺落開元十七年村人韓祚等重

建集古錄目

唐華嶽真君碑

唐華陰丞陶翰撰韋騰書玄宗開元十九  
年加五嶽神號曰真君初建祠宇立此碑

集古錄目



唐代國長公主碑

公主婚鄭萬鈞撰并書公主睿宗第四女也碑以開元二十二年十二月立金石錄

唐刺史楊瑒遺愛頌并陰

唐王暉撰史惟則八分書開元二十三年立碑陰記惟則八分書金石錄

唐鄭虔禱華嶽文

開元二十三年四月二十三日復錄

唐華山石闕題名

自唐開元二十三年鄭虔題名為首後二

百一年至後唐清泰二年戶部侍郎楊凝式而止其間無年月時世者悉列于後總

五百一人在華萼廟中集古錄目

自唐開元二十三年訖後唐清泰二年寔

二百一年題名者五百十一人再題者又

三十一人注注當時知名士也或兄弟同

遊或子姪並傳侍或僚屬將佐之咸在或山

人處士之相携或奉使奔命有行役之勞

或窮高望遠極登臨之適其富貴貧賤歡

樂憂悲非惟人事百端而亦世變多故開



元二十三年歲次丙子是歲天子躬耕籍田肆大畝報群臣方頌太平請封禪蓋有唐極盛之時也清泰二年歲在乙未廢帝篡立之明年也是歲石敬瑭以太原反及台契丹入自雁門廢帝焚于洛陽而晉高祖入自太原五代極亂之時也始終二百年間或治或亂或盛或衰而往者來者先者後者雖窮達壽夭參差不齊而斯五百人者卒歸于共盡也其姓名歲月風霜剝落亦或在或亡其存者獨有千仞之山石爾故

時錄其題刻每卷慨然何異臨長川而歎逝者也集古錄

唐左輔垣僚西嶽廟中刻石記

唐權偉撰李珣八分書開元二十四年十月

復錄

唐華嶽廟碑

唐玄宗御製御書諸道石刻錄

唐御製華嶽碑述聖頌

唐京兆府富城縣尉達奚珣撰序右補闕集賢殿學士呂向撰頌并頌并書玄宗御



製御書華嶽廟碑建于廟中珣等遂作此  
頌以開元中立集古錄目

唐金仙長公主碑

唐徐嶠之撰明皇行書開元中立錄金石

唐鄖國長公主碑

唐張說撰明皇八分書開元中立訪碑錄

唐韓賞祭華嶽文

唐右補闕韓賞撰諸王侍書榮王府司馬  
韓擇木八分書自陳其志以忘身憂國為  
己任以盟于神天寶元年四月刻在華嶽

唐靈臺觀主張敬忠碑

集古錄目

唐何思遠撰郭懷漸書天寶六年正月錄金石

唐嶽廟古松詩

唐韋元志撰右補闕集賢院學士衛包古

文篆天寶九年立集古錄目

唐御製華嶽碑堂修飾記

唐衛包撰并正書天寶九年正月立錄金石

唐雲臺觀三方功德頌

唐右補闕內供奉集賢院修書衛包撰并



書字為古文據碑天寶中詔立功德于華  
山雲臺宮并御容重飾金天王廟前御製  
碑而作此頌以天寶九年四月立集古錄目

唐雲臺觀金籙齋頌

唐衛包撰并書字為古文玄宗自開元中  
每歲之千秋設金籙齋于華嶽雲臺宮碑

以天寶九年四月立集古錄目

雖不著書人姓氏而字為古文寔為包書  
也唐世華山碑刻為古文者皆包所書包  
以古文見稱當時甚盛蓋古文世俗罕通

徒見其字書多奇而不知其筆法非工也  
余以集錄所見三代以來古字尤多遂識  
之爾集古錄

唐修金天王廟靈異述

唐衛包撰并正書天寶九年四月金石錄

唐顏魯公華嶽題名

唐顏魯公書以乾元元年為饒州刺史題

于華嶽廟集古錄目

唐渭南令路嗣恭遺愛表

唐考功郎中知制誥蘇源明撰不著書人



名字嗣恭字嗣恭平陽人初名劍客開元  
中歷數縣令皆有能名明皇以為可嗣漢  
魯恭故賜此名復歷渭南令至朔方留後  
上元二年渭南為立此表在渭南集古錄目

唐贈揚州都督假寬神道碑

唐楊炎撰蕭正正書大歷四年十月金石錄

唐贈工部尚書王忠嗣碑

唐元載撰王縉行書大歷十年四月金石錄

唐華嶽精享昭應之碑

興元元年十二月立諸道石刻錄

唐節度李元諒懋功昭德頌

唐張蒙撰韓秀弼八分李彛篆額貞元五

年十月金石錄

唐冠軍將軍烏承玘碑

唐左散騎常侍河南尹許孟容撰魏博節  
度副使胡誌八分并篆額承玘字德潤張  
掖人官至右領軍使冠軍將軍此碑不完

纔有其半不見所立年月集古錄目

唐烏承玘碑元和七年正月立金石錄

唐刺史廳堂記



唐吳丹撰并正書元和八年二月金石錄

唐刺史後閣記

唐李正辭撰正書元和八年二月金石錄

唐少府監胡珣碑

唐潮州刺史韓愈撰左金吾衛大將軍胡  
証八分書并篆額珣字潤溥貝州宗城人  
官至少府監碑以長慶三年四月立在蒲

城縣集古錄目

唐司徒烏重胤碑

唐司徒平章事裴度撰山南東道節度使

竇易直書重胤字保君京兆人官至天平  
橫海等軍節度使司徒平章事碑以大和

二年四月立集古錄目

唐沈傳師金天王廟題名

大和二年十月盧僊沈諭同謁諸道石刻錄

唐賈竦謁華嶽廟詩

唐賈竦撰并書大和六年竦從子珣刻在

華嶽集古錄目

唐贈太尉白敏中碑

唐中書侍郎平章事畢誠撰中書舍人王



鐸書敏中字用晦太原人歷相宣宗懿宗

以太傅致仕卒贈太尉碑以咸通三年立

在下部集古錄目

唐濟安侯廟記

唐李巨川撰柳懷素正書光化二年四月

一日記復錄

唐李德讓碑

唐史惟則篆書訪道石刻錄

唐令狐彰華山詩

唐史惟則八分書訪道石刻錄

唐平淮將佐題名

唐馬總等題名訪道石刻錄

唐使院石柱記

唐李商隱撰諸道石刻錄

李靖上華嶽書

寶覺寺碑

興法寺碑

金臺觀碑

龍游宮碑

五碑並諸道石刻錄



耀州

春秋戰國屬秦秦屬西史項氏分  
 屬塞國漢初屬河上郡後屬左馮  
 翊東漢及晉皆因之元魏置北雍  
 州西魏改為宜州及置北地郡尋  
 改為通川郡隋開皇初郡廢大業  
 初州廢屬京兆郡義寧二年置宜  
 君郡唐武德四年改曰宜州貞觀  
 十七年州廢天授二年復置宜州  
 大足元年又廢天祐三年岐王李  
 茂貞墨制置耀州仍陞義勝軍節  
 度梁末帝時茂貞養子溫韜以州  
 降梁梁改為崇州靜勝軍後唐同  
 光元年開寶五年為耀州以為順義軍  
 皇朝開寶五年為耀州以為順義軍  
 國元年改感德軍今縣七  
 華原富平三原  
 雲陽美原  
 同官淳化



唐太子少師竇良碑

唐于志寧撰王行滿書貞觀十二年立

三原 京兆金  
石錄

唐贈司徒河間元王孝恭碑

唐岑文本撰于立政正書貞觀十四年立

在三原 金石錄

唐潭州都督巢國勇公錢九隴碑

唐揚州都督密貞王元曉碑

二碑貞觀中立 京兆金  
石錄

唐刑部尚書彭城襄公劉德威碑

唐許敬宗撰李玄模書永徽二年立

原 京兆金  
石錄  
唐初寺碑撰劉損之書永徽五年立 富平  
京兆金石錄

唐左僕射張長遜碑

顯慶元年立 京兆金  
石錄

唐贈吏部尚書閻讓碑

顯慶元年立 京兆金  
石錄

此係在第九卷

唐越州都督于德芳碑

從弟志寧撰蘇季子分書麟德元年四月

八日建在三原 復錄  
碑錄

唐于志寧神道碑



唐令狐德棻撰男立政書乾封元年十一月立錄金石

唐淄川公李<sup>孝</sup>同碑

撰人姓名殘缺諸葛思積楨正書咸亨元年五月錄京石

唐贈司徒荊州都督道孝王元慶碑

唐贈司徒益州都督鄭惠王元懿碑

唐贈司徒并州都督江安王元祥碑

唐贈司徒冀州都督滕王元嬰碑

唐太尉絳州刺史韓王元嘉碑

唐司徒貴州刺史霍王元軌碑

唐太子太師魯王元夔碑

唐贈司徒益州都督鄧康王元裕碑

唐贈司徒荊州都督彭思王元則碑

唐荊州刺史鄧悼王元亨碑



唐贈荊州總管潭國襄公丘和碑

唐潭州都督吳興郡公沈叔安碑

唐左武衛大將軍樊興碑

唐賀蘭公碑

上十五碑在三原 京北金石錄

唐國子司業于立政碑

撰人姓名殘缺陳遺八分書調露元年十

二月 金石錄

唐國子司業于可封碑

弟淑之撰調露元年立 諸道石刻錄

唐美原神泉詩序

唐韋元旦撰篆書無姓名垂拱元年四月

金石錄

唐德表禪師碑

垂拱二年 諸道石刻錄

周雍州明堂縣令于大猷碑

正書書撰人姓名殘缺聖歷三年十一月

金石錄

唐左衛威遠府折衝姚迥碑

右富平景龍二年立 京北金石錄



唐清邊軍總管楊軌緒碑

唐富平主簿褚瑋撰正字權瓌八分書軌

緒字幼紹雍州富平人官至宣威將軍右

玉鈴衛幽州開福府折衝都尉清邊軍總

管致仕碑以先天元年十一月立集古錄

唐兖州都督于知微碑

唐姚崇撰正書無姓名開元七年六月三

日立在三原復齋碑錄

唐神德寺碑

八分書不著書撰人名氏神德寺故後魏

之會同寺也唐垂拱三年有司奏自華原

之石門山徙于後相城北魏龍華寺故基

而立之碑以開元八年立集古錄

唐相州刺史竇忠仁碑

唐國子祭酒徐堅撰八分書不著書人名

氏忠仁字恕扶風平陵人位至相州刺史

碑以開元十一年立在三原集古錄

唐贈工部尚書臧懷恪碑

唐撫州刺史顏真卿撰并書懷恪字貞節

東莞人官至右武衛大將軍工部尚書碑



以開元十二年立在三原集古錄目

唐左羽林大將軍臧懷亮碑

唐陳州刺史李邕撰并撰懷亮字明時東莞莒人官至左羽林大將軍碑以開元十

九年立在三原集古錄目

唐三原令乙速孤令從清政頌

唐梁涉撰陳載正書開元二十六年四月

建復錄碑

唐洪福寺弥勒石像碑

唐同官主簿韓滉撰并書集賢院學士衛

包題額弥勒石像者長安中縣人趙貞等

造寺僧圓證重修碑以天寶五年立在同

官集古錄目

唐果毅都尉臧崇碑

天寶七年立諸道石刻錄

唐美原夫子廟碑

唐行美原縣令王巖撰并書天寶中初尊

夫子爵為王碑以天寶八年立在美原集古



目錄

縣令王巖字山甫撰并書巖天寶時人字畫奇怪初無筆法而老逸不羈時有可愛故不忍棄之蓋書流之狂士也文字之學傳自三代以來其體隨時變易轉相祖習遂以名家亦烏有法邪至魏晉以後漸分真草而義獻父子為一時所尚後世言書者非此二人則皆不為法其藝誠為精絕然謂必為法則初何所據所謂下孰知夫正法哉岳書固自放於怪逸矣耶存之以

備博覽

集古錄

唐神德寺弥勒閣碑

唐杜鰲撰馬順書弥勒閣者開元中沙門會覺所立天寶十一載馮翊人張祥德重建碑以十二載立在華原

集古錄目

唐內府局丞劉琦碑

沙門唯一撰天寶十二載

諸道石刻錄

唐贈滎州刺史臧公碑

唐王齊問撰張頌行書天寶中立

諸道石刻錄

唐金輪寺僧為程元振建勳業碑



猶子若鎮撰寶應元年諸道石刻錄

唐太尉李光弼碑

唐顏真卿撰張少悌書廣德二年十二月

立在富平金石錄

唐臧氏糾宗碑

唐湖州刺史顏真卿撰并書臧氏東莞人

自唐初靈州都督寵而下至京府參軍叔

清族系名字官闕悉載于碑不知所刻年

月在三原集古錄

唐沛縣令于默成碑

季子休烈撰序劉單銘史惟則八分書大

曆三年正月金石錄

唐贈司空李楷碑

唐楊炎撰史惟則八分書并篆額大曆三

年立諸道石刻錄

唐左武衛中郎將臧希忱碑

唐韓擇木撰并書大曆四年立三原金石錄

唐贈揚州都督臧希宴碑

唐張字撰韓秀弼八分書大曆五年立三原

諸道石刻錄



唐陀羅尼經石柱

唐高沔撰等書太歷八年立諸道石刻錄

唐釋迦像記

唐滑州節度判官豆盧瑑撰不著書人名

氏渭北節度使臧碑不著名修華原縣攝受寺

立釋迦像之記也碑不著所立年月而稱

唐九葉寶應元聖皇帝又稱唐三甲子甲

寅歲則當在代宗之大歷九年唐興一百

五十七年矣碑在華原

唐刑部尚書李光進碑

唐戶部尚書楊炎撰梁州司馬韓秀寔八

分書光進字大應光弼之弟官至刑部尚

書封武威郡王碑以大歷十年立在富平

集古錄目

唐監軍使贈開府第五昱碑

唐于邵撰史有盈行書建中元年京兆金石錄

唐贈宋州刺史王仁敬神道碑

唐張說撰張少悌正書興元二年京兆金石錄

唐贈太子太傅鄴侯李泌碑

貞元四年京兆金石錄



唐金輪寺碑

唐程獻可撰陰冬曦正書貞元五年京兆金石錄

唐贈戶部尚書符令奇碑

唐鄭叔規撰貞元八年立在富平京兆金石錄

唐贈工部尚書李彙誌

唐沈亞之撰南卓書貞元十八年立在華

原京兆金石錄

唐劍州刺史贈太僕少卿李公碑

唐鄭雲達達撰并書袁滋篆額貞元二十年

立諸道石刻錄

唐太尉王播碑

唐中書侍郎平章事李宗閔撰翰林學士

承旨柳公權書播字明敷太原人位至左僕

射同平章事贈太尉碑以大和四年正月

立集古錄

唐太尉王播墓誌

唐牛僧孺撰柳公權正書大和四年四月

立金石錄

柳書名重天下當時大臣墓誌非其筆則

人以子孫為不孝今世稱柳書小字必曰



王播墓誌播以金錢附離致位宰相公權少其為人嘗對延英發其傾邪閔通狀矣而復為播書碑豈迫于內甥之情邪集古

唐贈越州都督符璘碑

唐李宗閔撰柳公權書大和元年立諸道石刻錄

唐柳尊師墓誌

唐翰林學士諫議大夫柳公權撰并書尊師名處幽河東虞鄉人公權弟也碑以開成二年立在華原集古錄目

唐贈太師王起神道碑

唐戶部尚書平章事李回撰太子少師柳公權書并篆額起字舉之太原人位至山南西道節度使同中書門下平章事贈太師碑以大中元年四月立在三原集古錄目

唐安平郡公贈

弟與撰大中九年京兆金石錄

唐贈工部尚書韓泉墓誌

姪釗撰大中十年京兆金石錄

唐富平縣令李府君妻周氏墓誌



大中十年京兆全石錄

修甲狀樓記劉知寔撰劉權書刻錄

同官唱和詩

張紹庭碑

二碑諸道石刻錄

邠州

古邠國春秋戰國皆屬秦秦屬內  
史漢屬左扶風安定北地郡漢末  
置新平郡兼屬安定晉因之西魏  
置幽州後周及隋皆因之煬帝初  
州廢屬安定北地郡義寧二年復  
置幽州唐開元十三年以字類幽  
改作邠州唐開元十三年以字類幽  
後陞為靜難軍節度今縣四  
新平三水  
宜祿永壽

唐昭仁寺碑

唐諫議大夫朱子奢撰不著書人名氏及  
立石年月唐太宗即位其平生戰伐之地  
皆立寺為戰死者祈福昭仁寺者當破薛



舉處也

集古錄目

碑在幽州唐太宗與薛舉戰處也唐自起  
群雄戰處後皆建佛寺云為戰亡士荐  
福碑朱子奢撰而不著書名氏字畫甚工

集古錄目

### 唐納職令王行碑

唐著作郎楊齊哲撰吏部常選南朝馮令  
行字缺訛不可辨太原人官至伊州

納職縣令碑以開元七年五月立

集古錄目

### 唐邠寧節度馬璘德政碑

唐韓雲卿撰張少悌行書大曆三年四月

金石錄

### 唐汾陽王廟碑

唐中書舍人高參撰右威衛倉曹參軍張  
誼書邠寧節度韓游瓌請為子儀立廟于  
邠州碑以貞元二年九月立

集古錄目

### 唐姜嫄公劉廟碑

唐高郢撰張誼行書貞元九年四月立

### 唐五夫人堂記

唐邠寧節度使昱識撰不著書人名字據



記郭令公五夫人堂以大曆五年初立然  
不知所謂五夫人者為何神也大中九年

刻集古

唐東廳記

唐盧宏茂撰李景初書諸道石  
刻錄

唐邠寧節度高霞過德政碑

唐韋夷甫撰王良容書諸道石  
刻錄

解州

自唐以上地里與河中府同漢乾  
祐元年割河中之間喜安邑解三  
縣置解州  
皇朝因之今縣三  
解縣  
安邑  
間喜

唐贈太尉裴行儉碑

唐右丞相張說撰裴灌書行儉字約河東  
間喜人官至禮部尚書金牙道大總管蓋  
曰憲開元中追贈至太尉碑以開元十八  
年立在間喜集古  
錄目

唐贈太師裴光度碑



唐中書令集賢院學士張九齡奉勅撰玄  
宗御書侍中裴曜卿題御書字兵部尚書  
同中書門下三品李林甫題額諫議大夫  
褚庭晦摹勒光庭字連城河東聞喜人官  
至侍中正平郡公贈太師謚忠獻碑以開  
元二十四年十一月立在聞喜集古錄目

唐代州都督薛仁貴碑

唐著作郎弘文館學士苗神客撰仁貴玄  
孫左領軍衛兵曹參軍伯疑書薛禮字仁  
貴河東汾陰人官至明威將軍代州都督

碑以天寶二年立在安邑集古錄目

碑云公薛禮字仁貴河東汾陽人唐書列

傳云仁貴絳州龍門人又不云名禮余家

集錄薛氏碑尤多據仁貴子楚玉碑亦云

父仁貴爾仁貴為唐名將當時甚顯著往

往見于他書未嘗有云薛禮者仁貴本田

家子奮身行陣其僅知姓名爾其曰名禮

字仁貴者疑後世文或或其子孫為增之

也仁貴卒于永淳中碑以天寶中立集古錄目

唐藍池靈慶公神祠碑



唐崔放撰崔縱正書貞元十三年八月錄京石

唐安邑縣新亭記

唐劉思老撰李銑書元和元年閏六月錄京石

唐立衛伯玉遺愛頌

伯玉裔孫唐陝虢觀察使次公撰河中節度使張弘靖書伯玉河東安邑人晉惠帝

初以太保錄尚書事為楚王瑋殺碑以元

和六年立在安邑集古錄目

唐鹽宗神祠記

唐太子右庶子支度安邑解邑西池權鹽

使錢義方撰試左武衛兵曹參軍威濤八

分書鹽池神祠故名鹽宗其後又有靈度

祠而主吏不復親祠鹽宗祠宇隳廢義方

重營葺之立此記以大中十年立集古錄目



寶刻叢編 卷十

魏州

春秋時為國之南記魏亡屬晉戰  
國時屬秦魏二國秦平天下為三  
川郡漢屬弘農郡東漢及晉皆因  
之元魏置西弘農郡後周廢之隋  
陽帝置弘農郡恭帝改為鳳林郡  
唐初置鼎州因禹湖為名後為魏  
州今縣三魏畧  
盧氏 宋陽

唐張令陽浮圖銘

唐張士貴撰正書無姓名永徽五年十一

月立錄金石

唐大興國寺舍利塔碑

唐相州刺史越王貞撰趙郡李君惠集王

寶刻叢編 卷十

卷十



義之書興國寺楊震學舍也隋文帝仁壽

中以舍利分置天下諸寺此其一也碑以

儀鳳四年三月立集古錄目

唐蒙泉湯記

唐弘農太守趙冬曦撰天寶二年三月甲

寅建復錄

唐鑄軒轅鼎銘

唐魏州刺史王顏撰華州刺史袁鑑籀書

鑄鼎原者軒轅皇帝鑄鼎之所碑以貞元

十一年正月立集古錄目

高州

春秋時屬晉戰國時屬秦為內史地漢屬弘農郡東漢屬京兆郡南  
部後置上維郡元魏因之西魏兼  
置洛州後周改為高州隋初郡廢  
大業初州廢復為上維郡唐復為  
高州天寶元年曰上維郡今縣五  
上洛洛南上津  
商洛豐陽

漢四皓神位刻石

四皓神位神胙几刻石四在惠帝陵傍驗

其字畫蓋東漢時書也金石錄

園公神坐角里先生神坐園公神胙机綺

里季神胙机此四人者神坐及胙几當各



有之今綺季角里尚缺其一而黃公者未見傳者云數十年前高子農人耕地得此隸釋

四皓之目始見于法言及漢書王貢傳序相承讀之曰園公曰綺里季曰夏黃公曰角里先生前賢未始有異故王黃州元之在汝州有詩曰未心頸如樗里子也應頭似夏黃公而畢文簡公嘗譏評之以為不當云夏黃公蓋杜子美詩云黃綺終辭漢謂之黃綺則四皓之目宜曰園公曰綺里

季夏曰黃公角里先生也僕初亦以為然蓋逸少有尚想黃綺帖陶淵明詩亦曰黃綺之高山又曰且當從黃綺皆所以為證然近歲高州耕夫得漢世石刻數種有云園公神坐綺里季神坐角里先生神坐又各有神胙机皆漢人隸書其貌不應誤則與文簡公之說異矣當以石刻為正宜從舊目則前人所謂黃綺者特各取一字以目二人不必皆其首字也園公石刻乃為園公蓋二字音文為近或扞牘傳寫之差



以當以園為是按顏師古匡繆正俗有園  
稱陳留風俗傳自序云園公之後園公為  
秦博士避地南里漢祖聘之不就惠太子  
即位以園公為司徒以是書證之園姓愈  
曉然矣今尚有園姓者姓氏書多以園為  
園公之後此又可證云三輔舊事云漢惠  
帝為四皓作碑于其所隱處此神坐及昨

几豈亦當時所立即

並東觀  
餘論

唐立漢烈仙四皓碑銘

撰人姓名缺吳嗣缺分書開元十下缺復錄

唐四皓舊隱圖畫文

唐渠章年撰寶正書貞元十六年十月金石

唐四皓新廟記

唐蕭曾重建以李華四皓代贊銘章行儉

正書元和八年辛丑歲李栖筠刻復錄

唐新修橋驛記

唐韋行儉撰柳汶正書元和八年立復錄

唐商於驛路記

唐翰林學士承旨韋琮撰太子賓客柳公

權書祕書省校書郎李商隱篆額商州刺



史呂公碑不著名移建州之新驛碑以大中元

年正月立集古錄

唐修武關驛記

無書撰人名諸道石刻錄

寧州

秦屬北地郡漢屬北地郡上郡東漢屬北地郡安定郡晉國之後沒於戎狄元魏獻文置華州孝文改曰班州後為豳州西魏改為寧州後周分置趙興郡隋改寧州曰豳州尋廢州而改趙興郡為北地郡唐後為寧州天寶元年曰彭原郡今縣四定安定平真寧襄樂

隋定安縣官寺碑

開皇八年五月錄金石



坊州

自隋以前地里與廊州同後周天和  
中元皇帝為敷州刺史于此地  
為馬坊武德二年分廊州置坊州  
曰故馬坊為名天寶元年曰中部  
郡今縣二  
中部宜君

唐韋惟善政論

唐著作郎楊齊哲撰前洛州縣丞直翰林

院缺庭誨書維字文紀京兆杜陵人為坊

州刺史此寔紀德之碑也以先天元年立

集古錄目

維先天中為坊州刺史齊哲所撰其寔德




政碑也特異其名爾集古錄

唐修秦文公廟記

唐前夏州等節度掌書記李伉撰并書篆額坊州之南有秦故廊時秦文公夢龍自天下屬於地立時以祠之世久相傳謂之衙龍神刺史崔駢改其廟像以為文公祠

開成五年立此碑集古錄目

庚子五月朔日校正第八卷至十卷履卿記



寶刻叢編卷第十



程